

AGENDRE TRINITATIS

MINGGU 26 Juli 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 193**

193. MI' ONDRASI FEFU NIHA 1

do = f 4/4

MM = 96 - 104

1. Mi' ondrasi fefu niha, migösö ba böi ara.
Ba misofu ha zameta, fefu ngawalö zala.
2. Hiza, Yesu, sangefa' ö, fefu ngawalö zala.
Da tatehe, ya Muhaogö, gera' era dödöda.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 194

194. FULI' Ö, FULI' Ö 2

do = es 4/4

MM = 76 - 84

1. Fuli ' ö, fuli ' ö, ono si no taya.
No aröu khö Nama, abu dödüu nasa.
He talifusö, fuli fuli' ö, ba fuli fuli ' ö ba.
2. Fuli' ö, fuli' ö, mabaloi ndra' ugö.
Ena' ö fao ita, we' amöi khö Nama.
He talifusö, fuli, fuli' ö ba, fuli, fuli' ö ba.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 19:1-6**

1. Tölu waw~a aefa ira ba danö Miserayi; me luo da'ö sibai, ba larugi danö si mate Sina'i.
2. No laheta ira ba Rafidi, ba larugi danö si mate Sina'i; ba molombase ira ba danö si mate. Ba gamaudu hili andrö labe'e golombasew~a Iraono Gizeraëli.
3. Ba me no möi miyaw~a Moze khö Lowalangi, ba humede khönia Yehowa moroi ba hili yaw~a, imane: Da'ö niw~a'öu ba ma'uwu Yakobo, da'ö ni'ombakha'öu ba Ndraono Gizeraëli:
4. No mi'ila nilaugu ba Ndrawa Miserayi; wa no u'ohe ami, amaedola ba dete gafi moyo, wa ba da'e urugi wolohe ya'ami, khögu.
5. Ba na edöna sa'ae ami mifondrondrongo ligu, ba na lö olifu ami gamakhoitagu andrö ba tána khögu ami, moroi ba niha bö'ö fefu; me no khögu guli danö ma'asagörö.
6. Ba öri ere ami khögu, soi ni'amoni'ö! Da'ö niw~a'öu ba Ndraono Gizeraëli.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödüma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödü-U, ena'ö Ö'efa'ö khöma höröma andrö si no mafalua, irege sohahau tödü ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödü-U khöma Ama, ba be'e aefa khöma höröma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)
: Da tafondrondrongo daroma Li Lowalangi, tehalö moroi ba zura **Mareko 4:30-34**
30.Ba imane: Hadia tabe'e famaedo mbanua Lowalangi andrö? Ba heza tahalö gamaedolania?
31.Hulö mbua lada, si no fondrege zide'ide mbu zinanö, na tefazaewe ba danö.
32.Ba na no mufazaewe ia, ba manöi ba tobali ebua moroi ba ngawalö gulegule fefu ba modaha sebua ia, tobali la'ila mangazuni ba lumönia fofo, si so ba dalu mbanua.
33.Ba oya ngawalö gamaedola si manö ilau khöra, wamahaö ya'ira; ifaigi zi tola lafondrondrongo.
34.Lö'ö sa huhuonia khöra, si tenga amaedola. Ba khö nifahaönia i'ombakha'ö geluaha fefu, ba zi ha ya'ira.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, Sifao fangowuloi fasömbata DPS. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafä'ema wasömbata khö Lowalangi, manunö ita moroi ba Mbuku Zinunö
Numero 204

204. NO SO WANGABÖLÖGU 1

do = bes 3/4

MM = 96 - 104

1. No so wangabölögu, nibè Zo ' aya Yesu.
Famatigu khö-Nia ba wanöndra sindruhu.
He na matedo dania, utötöna wa so Ia.
Isusugi ndra'odo, Ifasao ba zorugo.
2. Ha fa'omasi Yesu, zi möi fangorifigu.
Fa'omasi sindruhu, wa ohahau dödögu.
Dozi samati khö-Nia, Ifasao, I' ohe danga.
Ifatörö ba haga ba lala khö Zo' aya.
3. So' aya zangaro' ö, tötönafo dödöda.
Sangabölö ya' ita, sangana'u' ö ölöda.
Ibè madala si haga, fanötöna si lö taya.

Na no tarugi Nama, ba omuso dödöda.
4. Aro' ö wanötöna, famati, fa' omasi.
Fangönada wondrugi, naha si so fa' auri.
Ha ba lewatö irugi, fanötöna ba famati.
Sindruhu wa' omasi, zoguna he na furi.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe□

- 1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
- 2. Ya'e zumange fasömbata mabe'e soroi ba dödöma.
Reff : Ma'andrö khö-U
- 3. Ya'e zumange fasömbata buala si'otarai Nama.
Reff : Ma'andrö khö-U
- 4. Ya'e zumange fasömbata, boto, noso, ba fa'aurima
Reff : Ma'andrö khö-U
- 5. Ya'e zumange fasömbata, lö irugi zomasi dödö-U.
Reff : Ma'andrö khö-U
- 6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fäo taroma Li Lowalangi si faudu ba wasömbata ni' owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiata Komisi Bapak
 - c. Kegiatan Koremda
 - d. Kegiata sektor 1
 - e.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

- 1. Uhonogö sibai dödögu ba wamondrondrongo li Mö Yesu
Mangalulu ndra'odo föna-U ba gametahö-Mö ia da 'a
Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.
Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.
Taroma li-Mö si möi fangabölö utema 'ö soroi ba dödö, tolo ba wolo'ö.

10. HUUHUO SEBUA

- SH :** Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö

ita.....Yaduhu.

- a. Fombaso taroma Li Lowalangi *Roma / Roma 8:26-30 (Tuho Migu:Nifalua Lowalangi ba Niha Nituyu-Nia / Karya Allah Bagi Orang Pilihan-Nya)*
- b. Fanuriaigö
- c. Nitano ba dödö. *Roma / Roma 8:28 (Ba no ta'ila, ba zangomasi'ö Lowalangi, ba oi ba zi sökhi manö lualua hadia ia, fefu, ba khöra si no mukaoni, nihonogöi ba da'ö. / Kita tahu sekarang, bahwa Allah Turut bekerja dalam segala sesuatu untuk mendatangkan kebaikan bagi mereka yang mengasihi Dia, yaitu bagi mereka yang terpanggil sesuai dengan rencana Allah.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 249 ayati 1-2**

490. YA' ODO ZANUTUYU YA' AMI ¹

do = d 3/4

MM = 96 - 104

1. " Ya ' odo zanutuyu ya ' ami. Ya ' o göi zamataro ya ' ami.
Ena ' ö lö tebulö mbuami."
2. " Andrö Ubè goroisa-Gu khömi. Faoma mi' omasi' ö nawömi.
Simane fa' omasi-Gu ami."

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **490 ayati 3**
490. YA' ODO ZANUTUYU YA' AMI 1
do = d 3/4
MM = 96 - 104
3. " Ya' odo lö manö faröi khömi, andrö ya böi ata' u dödömi.
Ya' odo zangalani udumi."

SH : YA'AHOWU

SATO : YA'AHOWU